



Broj/Број: 04/5-50-15-134-10/13
Sarajevo/Сарајево, 26. 2. 2013.

IZVJEŠTAJ O RADU
DELEGACIJE PARLAMENTARNE SKUPŠTINE BiH U PARLAMENTARNOJ
SKUPŠTINI NATO-A ZA 2012. GODINU

1. Uvodne napomene

U sazivu Parlamentarne skupštine BiH 2010.-2014. godine Predstavnički dom konstituisan je 20. maja 2011., a Dom naroda 9. juna 2011. godine. Nakon što su zajednička parlamentarna radna tijela PSBiH formirana sredinom jula 2011. godine, Delegacija PSBiH u Parlamentarnoj skupštini NATO-a konstituisana je 8. 9. 2011. godine.

Na osnovu člana 173. stavka (3) Poslovnika Predstavničkog doma Parlamentarne skupštine Bosne i Hercegovine («Službeni glasnik BiH», br. 33/06, 41/06, 81/06 i 91/06) i člana 170. stavka (3) Poslovnika Doma naroda Parlamentarne skupštine Bosne i Hercegovine («Službeni glasnik BiH», br. 33/06, 41/06 i 91/06), Delegacija PSBiH u Parlamentarnoj skupštini NATO-a je na 10. sjednici, održanoj 26. 2. 2013., usvojila Izvještaj o radu za 2012. godinu.

2. Pregled aktivnosti Delegacije PSBiH u Parlamentarnoj skupštini NATO-a u 2012. godini

- U 2012. godini Delegacija PSBiH u Parlamentarnoj skupštini NATO-a održalo je šest sjednica

- Učešće Delegacije PSBiH na zasjedanjima, seminarima i sastancima u 2012. godini:

- Proletno zasjedanje Parlamentarne skupštine NATO-a u Talinu, Estonija, 25. -28. 5. 2012.;
- Godišnje zasjedanje Parlamentarne skupštine NATO-a u Pragu, Češka Republika, 9. -12. 11. 2012.;
- 79. *Rose-Roth* seminar u Marseju, Francuska, 11. i 13. 04. 2012.
- 81. *Rose-Roth* seminar, Sveti Stefan-Cetinje, Crna Gora 15-17.10. 2012.

- Ostale aktivnosti:

U radu proljetnog zasjedanja Parlamentarne skupštine NATO-a, održanom 25. 5. - 28. 5. 2012. u Talinu, učestvovali su Asim Sarajlić i Božo Ljubić, članovi Delegacije PSBiH u Parlamentarnoj skupštini NATO-a.

Na 58. godišnjoj konferenciji Parlamentarne skupštine NATO-a, održanoj 9.-12. 11. 2012. u Pragu, učestvovali su: Milorad Živković, predsjedavajući Delegacije PSBiH u PSNATO, Asim Sarajlić i Božo Ljubić, članovi Delegacije.

Dr. Božo Ljubić je u svojstvu predsjedavajućeg Predstavničkog doma PS BiH se obratio učesnicima Plenarnog zasjedanja na 58. Godišnjoj konferenciji NATO PS.

Delegacija PSBiH u Parlamentarnoj skupštini NATO-a obavezna je učestvovati u aktivnostima PSNATO u svojstvu pridružene članice. U skladu s tim, članovi Delegacije PSBiH u PSNATO obavezni su se pridržavati ciljeva i programa postavljenih u aktivnostima (konferencije, seminari, rad u odborima) Parlamentarne skupštine NATO-a.

U sadašnjoj fazi i aktivnostima koje Bosna i Hercegovina provodi s NATO-om, korist od učešća na zasjedanjima Parlamentarne skupštine NATO-a je višestruka. Članovi Delegacije PSBiH u PSNATO mogu prisustvovati godišnjim zasjedanjima (proljeće, jesen), učestvovati u radu odbora, davati prijedloge i sugestije na ponuđene dokumente (deklaracije i rezolucije) te davati svoje i mišljenje Delegacije o određenim pitanjima o kojima se razgovara na konferencijama i seminarima. Članovi Delegacije u prilici su za vrijeme zasjedanja susresti se s predstavnicima drugih delegacija stalnih i pridruženih članica, razmijeniti s njima mišljenja o određenoj problematici te lobirati za ostvarivanje ciljeva za koje se Bosna i Hercegovina opredijelila svojom službenom politikom.

U prilogu su date informacije o učestvovanju Delagacije PSBiH na pomenutim seminarima i zasjedanjima Parlamentarne skupštine NATO-a.

PREDSJEDAVAJUĆI DELEGACIJE
Dr. Milorad Živković

Prilog:

- Informacija s proljetnog zasjedanja PSNATO u Talinu, Estonija, 25. 5. – 28. 5. 2012.,
- Informacija s 58. godišnjeg zasjedanja PSNATO, održanog u Pragu, Češka Republika, 9.-12. 11. 2012.,
- Informacija s 79. *Rose-Roth* seminara održanog u Marseju, Francuska, 11.-13. 04. 2012.,
- Informacija s 81. *Rose-Roth* seminara održanog na Svetom Stefanu i Cetinju, Crna Gora, 15-17.10.2012.